

中國歷代氏族典


廣陵書社



中國歷代氏族典

江苏工业学院图书馆
藏书章

五



廣陵書社

欽定古今圖書集成明倫彙編氏族典

第二百九十五卷目錄

章姓部彙考

鄭樵通志以國爲氏

廖用賢尚友錄章姓

蘇州府志氏族

章姓部列傳一

周

章子

秦

章邯

章嬌

漢

章文

章明

南齊

章起之

梁

章法尚

陳

章昭達

唐

章全益

章孝標

章仔鈞

後晉

章德安



宋
章九齡

章頤

章授

章峴

章俞

章友直

章穀

章督

章棄

章禪

章梓

章公最

章元仕

章綜

章綰

章蓋

章夏

章宴

章賁

章元崇

章雲就

章才邵

章翊

章標

章節夫

章頰

章得象

章岷

章訢

章琰

章帖

章衡

章惇

章望之

章甫

章援

章公弼

章緯

章綜

章綰

章茂

章誼

章元振

章憲

章遵

章恭

章兼

章穎

章如愚

章樵

章盛昌化

章汝鈞

章鑑分章

章如旦

章考參

章康

章鑄

氏族典第二百九十五卷

章姓部彙考

鄭樵通志

以國爲氏周異姓國

章氏即郭國之後也姜姓齊太公支孫封於郭爲紀附庸之國今密州有古郭城爲齊所滅子孫去邑爲章氏齊威王將有章子泰將有章邯字少榮收趙滅韓有功封雍王望出豫章

廖用賢尚友錄

章姓

章河間商音又望出南郡豫章

蘇州府志

氏族

章氏本出姜姓太公望之後嘉祐中浦城章棄爲蘇州教官僦居於此故有南北二族聚居城北號北章惇居南城號南章族姓甚盛

章姓部列傳一

周

章子

按戰國策秦假道韓魏以攻齊齊威王使章子將而應之

秦

章邯

按史記秦始皇本紀二世皇帝二年冬陳涉所遣周章等將西至戲兵數十萬二世大驚與羣臣謀曰奈何少府章邯曰盜已至衆彊今發近縣不及矣酈山徒多請赦之授兵以擊之二世乃大赦天下使章邯將擊破周章軍而走遂殺章曹陽二世益遣長史司馬欣董翳佐章邯擊盜殺陳勝城父破項梁定陶滅魏咎臨濟楚地盜名將已死章邯乃北渡河擊趙王歇等於鉅鹿三年章邯將其卒圍鉅鹿楚上將軍項羽將楚卒往救鉅鹿夏章邯戰數却二世使人讓邯邯恐遂以兵降諸侯按章邯降楚項羽立爲西楚王漢王定三秦邯敗走廢丘自殺

章平

按史記高祖本紀二年漢王東略地正月擄雍王弟章平

章嬌

按姓氏急就篇秦將章嬌

漢

章文一作章交

按南昌郡乘文豫章人高祖遣灌嬰討定南方文獻地于嬰桑豫章城郡人懷之祀於章江之濱

章贅

按姓氏急就篇漢御史章贅

章明

按萬姓統譜明新繁人累官至大中大夫王莽篡位明嘆曰不以一身事二主遂自殺

南齊

章起之

按南齊書吳欣之傳永明初廣陵民章起之二息犯罪爭死太守劉悛表以聞

章道蓋

按陳書章昭達傳昭達祖道蓋齊廣平太守

梁

章法尚

按陳書章昭達傳昭達父法尚梁揚州議曹從事

陳

章昭達

按陳書章昭達傳昭達字伯通吳興武康人也祖道蓋齊廣平太守父法尚梁揚州議曹從事昭達性倜儻輕財尚氣梁大同中昭達爲東宮直京城陷昭達還鄉里與世祖遊因結君臣之分侯景平世祖爲吳興太守昭達杖策來謁世祖世祖因委以將帥累功除明威將軍定州刺史是時留異擁據東陽高祖患之乃使昭達爲長山縣令永定二年除武康令世祖嗣位除員外散騎常侍天嘉元年追論長城之功封欣樂縣侯二年除使持節散騎常侍都督郢巴武沔四州諸軍事智武將軍郢州刺史尋進號平西將軍周迪據臨川反詔令昭達征之迪敗走徵爲護軍將軍改封邵武縣侯四年陳寶應納周迪復共寇臨川

又以昭達爲都督討之寶應大潰遂克定閩中盡擒留異寶應等以功授鎮前將軍開府儀同三司尋又出爲使持節都督江郢吳三州諸軍事鎮南將軍江州刺史廢帝即位遷侍中征南將軍改封邵陵郡公秩滿徵爲中撫大將軍高宗即位進號車騎大將軍以還朝遲留爲有司所劾降號車騎將軍歐陽紇據有嶺南反詔昭達都督衆軍討之擒紇送於京師廣州平以功進車騎大將軍遷司空太建三年邁疾薨昭達性嚴刻每奉命出征必晝夜倍道然有所克捷必推功將帥廚膳飲食並同於幕下將士亦以此附之

之子大寶襲封邵陵郡公累官至豐州刺史在州貪縱百姓怨酷後主以太僕卿李暈代之大寶乃舉兵反臺軍主陳景祥率兵擒送都於路死

章華

按萬姓統譜華字仲宗吳興人家本農夫至華獨好學與士君子游處頗通經史善屬文侯景之亂游廣南居羅浮山寺專精習業歐陽頔爲廣州刺史署爲南海太守頔子紇敗乃還都後主除太市令非其所好乃辭疾頔明初上書極諫其略曰昔高祖南平百越北誅逆寇世祖東定吳會西破王琳高宗克復淮南關地千里二祖之功亦至勤矣陛下即位於今五年不思先帝之艱難不知天命之可畏溺於嬖寵惑於酒色祠七廟而不出拜嬪妃而臨軒老臣宿將棄之草莽詔佞諂邪升之朝廷今疆場日蹙隋軍壓境陛下如不改弦易轍臣見麋鹿復游於姑蘇矣書奏後主大怒即日斬之未幾隋軍至陳遂亡

唐

章全益

按唐書章全益傳全益梓州涪城人少孤爲兄全啓所鞠母病全啓割股膳母而愈及全啓亡全益服斬衰斷手一指以報不畜妻妾僮僕處一室賣藥自業世傳能作黃金居成都四十年號章孝子

章成編

按萬姓統譜成編於潛人家貧力學事親著至行喪母廬墓烏鵲來巢廬鹿來處貞元中表其門人以章孝子稱之

章孝標

按尚友錄孝標錢塘人元和中進士下第作歸燕詩上考官庾承宣云積累危窠泥已落今年欲向社前歸連雲大厦無棲處更傍誰家門戶飛上知舉侍郎鄭愚云翩翩飛燕畫堂開送古迎今幾萬回長向去秋社前後爲誰歸去爲誰來

章碣

按尚友錄孝標子碣登進士亦有詩名後竟流落不知所終

章仔鈞

按浦城縣志仔鈞隱居山中甘食好學諸藩聞其名聘俱不就天祐初王審知守福州謙抑下士仔鈞因撰三策以獻審知賞遇館上賓驛即以西北面行軍招討使辟於朝付步騎卒五千人屯西巖山

章魯封

按十國春秋吳越章魯封桐廬人也類舉進士不第有雋才少與羅隱齊名武肅王既破董昌辟魯封爲表奏孔目官魯封拒不受武肅王命吏笞之已而勉

就職累官蘇州刺史著章子三卷行於世

後晉

章德安

按十國春秋吳越章德安處州麗水人累官至內都監文穆王寢疾察德安忠直能斷大事屬以後事曰弘佐尚少汝善輔之已而文穆王薨內牙指揮使戴暉者與文穆王養子弘侑比謀立弘侑德安祕不發喪伏甲士於幕下殺暉廢弘侑爲庶人復其孫姓而幽之居無何上統軍使闕璠璠而橫排斥異已忠獻王不能制德安數與之爭璠遂以計貶德安於處州右都監李文慶亦不附璠同時貶睦州文慶故睦州人也

章思廉

按尚友錄思廉遂昌人得道靈異之迹見於處州天慶觀有章真人畫像自贊云狂走不坐端立即眠默而又默顯而不顯漏身走脫旦守三田人以爲怪我得自然

宋

章九齡

按十國春秋後蜀章九齡事後主累官右補闕懷慨好直言不避權貴廣政中上言政事不治由奸佞在朝後主問奸佞爲誰九齡即指宰相李昊知樞密使王昭遠以對後主怒以九齡毀斥大臣謫維州錄事參軍

章類

按宋史章類傳類字簡之建州浦城人與弟頤皆以進士試禮部預選會詔兄弟毋並舉類即推其弟棄

去後六年乃擢第自試祕書省校書郎知南昌縣改大理寺丞知九龍縣遷殿中丞眉州大姓孫延世僞爲奪族人田久不能辨轉運使按治之坐不時

具獄降監慶州酒徒知長洲縣天禧初增置諫官御史類以選得召對稱旨擢監察御史陳堯問民訛言兵起老幼皆奔命安撫京西還爲三司度支判官詔鞫邛州牙校訟鹽井事皇城使劉美依倚后家受賕使人市其獄類請捕繫眞宗以后故不問忤旨出知宣州改殿中侍御史遷侍御史類雅善丁謂謂貶左遷尚書比部員外郎監饒州酒起知信州進刑部員外郎知福州徙知潭州改廣西轉運使謫宜州守貧暴不法既罷去反訟類子許書被刑而冒奏爲祕書省校書郎類坐誦知饒州復入爲度支判官累遷刑部郎中使契丹至紫雲館卒詔遣其子訪乘傳扈其柩以歸訪官三班奉職即許也

章頤

按萬姓統譜頤字朝宗浦城人咸平初詣闕言時政得失不報後登第累官職方郎中

章得象

按宋史章得象傳得象字希言世居泉州高祖仔鈞事闕爲建州刺史遂家浦城得象好學美姿表爲人莊重進士及第爲大理評事知玉山縣遷本寺丞眞宗將東封泰山以殿中丞食書充州觀察判官事知台州歷南雄州徙洪州楊億薦之名試爲直史館安撫京東累遷尚書刑部郎中使契丹還以兵部郎中知制誥踰年爲翰林學士遷右諫議大夫以給事中爲羣牧使遷禮部侍郎權同知樞密院事遷戶部侍郎

中國歷代氏族典

第二百九十五卷 章姓部

二六三二

郎遂拜同中書門下平章事集賢殿大學士陝西用兵加中書侍郎明年以工部尚書爲昭文館大學士慶曆五年拜鎮安軍節度使同平章事封鄆國公徙判河南府守司空致仕薨贈太尉兼侍中諡文憲皇祐中改諡文簡

章授

按萬姓統譜授字榮之得象族從得象游京師學擅詞場省試第一用陳瓘薦知海州

章岷

按浦城縣志岷字伯鎮天聖五年舉進士官至正議大夫光祿卿

章峴

按萬姓統譜峴字伯瞻岷弟中天聖八年進士治平中爲廣南西路提典刑獄官至金紫光祿大夫

章訴

按尚友錄訴字天和天聖中試禮部上黨有蓋莽者亦預計偕忽夢人告曰建州章天和作狀元汝必登第并至京訪訴具述其夢既而三舉不利慶曆間亦到省題詩于邑之泗洲嶺庵壁云十年三上未登科此去行期晝錦過上黨有人傳預兆夢生頭角見天和旋于賈黯榜中第嘉祐二年訴于衛作大魁并是年始特奏名神物之戲人如是訴官至潤州長史累封左光祿大夫

章俞

按萬姓統譜俞字春臣登景祐元年進士除蘇州吳縣主簿累官至職方郎中致仕

章琰

按萬姓統譜琰太平人慶曆進士歷官鎮江通判有治聲後拜殿中侍御史彈擊不避權貴出爲征西安撫使知江州

章友直

按萬姓統譜友直浦城人自少放蕩不羈讀書通大義不肯選舉而才亦出羣皇祐中近臣言其善篆有旨召試辭焉後太學篆石經近臣又薦之召往經成除試將作監主簿不就

章帖

按建安縣志帖寶元元年登進士知蘇州湖海暴風民多漂溺諸獨租賑恤鋤治奸吏豪右懼畏

章殷

按萬姓統譜殷字仲弓至和間進士官資州軍事判官爲政尚愷悌入爲著作郎出通判秀州歲饑平價以糴民甚賴之有寇千餘人掠郡殷出隘口防禦明日寇至與戰敗之又明日寇大至又大敗之民恃以無恐

章衡

按宋史章衡傳衡字子平浦城人嘉祐二年進士第一通判湖州直集賢院改鹽鐵判官同修起居注三司使忌其能出知汝州州縣寧初還判太常寺出知鄭州復判太常知審官西院使判吏部流內銓未幾知通進銀臺司直舍人院拜寶文閣待制知澶州徙知成德軍坐事免元祐中歷秀襄河陽曹蘇州加集賢院學士復以待制知揚州宣頴州卒

章登

按宋史章登傳登字隱之成都雙流人少孤鞠於兄

嫂以所事父母事之博通經學九長易蜀守蔣堂楊察張方平何郛趙抃咸以逸民薦命州助教不就嘉祐中賜號冲退處士王素時爲州因其所居之鄉曰處士里曰通儒坊曰冲退營由是益以道自裕尊生養氣憂喜是非亦不以撓其心形熙寧元年卒

章惇

按宋史章惇傳惇字子厚建州浦城人父俞徙蘇州起家至職方郎中致仕用惇貴累官銀青光祿大夫惇豪雋博學善文進士登名恥出姪衡下委勳而出再舉甲科調商洛令召試館職王陶劾罷之熙寧初王安石秉政悅其才用爲編修三司條例官加集賢校理中書檢正時經制南北江羣蠻命爲湖南北察訪使進修起居注擢知制誥直學士院判軍器監三司火神宗御樓觀之惇部役兵奔救過樓下神宗問知爲惇明日命爲三司使呂惠卿去位鄧綰論惇同惡出知湖州徙杭州入爲翰林學士元豐三年拜參知政事朱服爲御史惇密使客達意於服爲服所白惇父冒占民沈立田立違訴惇惇繁之開封坐二罪罷知蔡州又歷陳定二州五年召拜門下侍郎哲宗卽位知樞密院事宣仁后聽政惇與蔡確矯唱定策功確罷惇不自安乃駁司馬光所更役法光議既行惇憤恚爭辨廉前其語甚悖宣仁后怒劾惇惇王觀朱光庭王巖叟孫升交章擊之黜知汝州數爲言者彈治哲宗親政有復熙寧元豐之意首起惇爲尚書左僕射請發司馬呂公著家斷其棺哲宗不聽結中官郝隨爲助欲追廢宣仁后自皇太后太妃皆力爭之哲宗感悟焚其奏又以皇后孟氏元祐中宣

仁后所立迎合郝隨勸哲宗起掖庭秘獄託以左道廢居瑤華宮其後哲宗頗悔惇知天下怨已欲塞其議請詔中外察民妄語者論如律哲宗崩皇太后議所立惇言簡王申王當立皇太后不可立端王是爲徽宗遷惇特進封申國公爲山陵使靈輿陷澤中踰宿而衍行者勅其不恭罷知越州尋貶武昌軍節度副使潭州安置右正言任伯雨論其欲追廢宣仁后又貶雷州司戶參軍徙睦州卒

章案

按宋史章案傳章字質夫建州浦城人案以叔得象廢爲孟州司戶參軍應舉入京聞父對獄於魏棄不就試馳往直其冤還試禮部第一擢知陳留縣歷提舉陝西常平京東轉運判官提點湖北刑獄成都路轉運使入爲考功吏部右司員外郎元祐初以直龍圖閣知慶州召權戶部侍郎明年除知同州紹聖初知應天府加集賢殿修撰知廣州徙江淮發運使哲宗訪以邊事對合旨命知渭州累擢樞密直學士龍圖閣端明殿學士進階大中大夫案在涇原四年立邊功爲西方最特章惇用事案與惇同宗其得與事頗爲世所疑徽宗立請老徙知河南入見留拜同知樞密院事俾其子綽爲開封推官以便養踰年力謝事罷授資政殿學士中太一宮使未幾卒案七子綽綜綜緝緝緝緝緝最知名

章望之

按宋史章望之傳望之字表民建州浦城人少孤喜問學志氣弘放爲文辯博長於議論初由伯父得象廢爲秘書省校書郎監杭州茶庫逾年辭疾去丁母

憂毀瘠過制服除浮游江淮間犯艱苦汲汲以營衣食不自悔人勸之仕不應也其兄拱之知晉江縣忤其守蔡襄怒誣以賊貶望之號泣力訴于朝時襄方貴顯事久不得直望之訴不已卒脫拱之冤復官如初望之遂不復仕章思還太常太祝大理評事歐陽修韓絳吳奎劉敞范鎮同薦其才除僉書建康軍節度判官固辭遂以光祿寺丞致仕卒

章祺

按宋史章督傳督字祺好古學

章甫

按浦城縣志甫字端叔熙寧三年登第授山陰縣尹首竄姦吏數人遂無有敢欺者監左藏庫通判宿州被旨按獄南京片言折之除太府丞哲宗召對除府界提舉常平事河溢歲饑流民多入畿甸因廉給之而用力以築堤知處州崇寧初黨論興首言元祐臣僚不當刻名著籍禁錮其子孫上優容之然不合宰相曾布坐降一官知泰州

章粹

按萬姓統譜粹字仲容元豐二年以上舍擢進士第初調上黨簿秩滿遷防禦判官陝西江縣令有妖覲以禍福惑衆官不敢問粹案其姦罪之衆惑亦解遷魏王宮教授改太府寺丞通判恩州百廢具舉適河流泛溢郡人大恐粹增卑培薄迄以無虞樞密鄭居中薦之於朝

章援

按尚友錄惇子援元祐中進士第一兄持第十時東坡知貢舉屬意李方叔令叔黨持一簡與之值其出

僕受簡置几上偶章持兄弟來訪取簡竊視乃劉向優於揚雄論二篇持去已而果此題二章模倣東坡作東坡取之意必方叔及揭榜乃二章也惇孫傑潛永深淵治歲梓齋俱及第

章公最

按萬姓統譜公最字寬夫少好學從歐陽文忠公學與曾南豐游隱居讀書崇寧間王珪薦之不起黃山谷庭堅爲作草堂蘇文忠公題額以表之

章公弼

按萬姓統譜公弼餘千人紹聖初舉進士授建寧主簿聞朝廷廢劉摯范純仁託疾不起尋丁母憂廬墓三年宣和間爲禮部侍郎以疾乞骸骨歸有文集若干卷

章元任

按萬姓統譜元任字萃民紹聖甲戌進士爲溧陽令時值大水道阻相望元任巧釋於官并諭大姓輸粟芟舍養糜以飼之仕終朝奉大夫元任有幹略仕州縣四十餘年不盡其才然無不足之歎

章粹

按宋史章案傳案子粹繇推官爲戶部員外郎提點淮南東路刑獄權知揚州新鈔法行舊鈔盡廢一時商賈束手或自殺粹上疏言鈔法誤民請如約以示大信上怒罷粹降兩官

章綜

按宋史章案傳案子綜歷通判常州蔡京傾章氏竄綜秀州

章綜

按宋史章彥傳彥子綽第進士歷陝西轉運判官入爲戶部員外郎中書侍郎劉達之妻綽姊也達漸復元祐之政綽多贊之蔡京欲擠達且悉綽不附已使其黨攻之出綽湖州論者不已差主管西京崇福宮及京復相遂與制獄傾章氏竄綽溫州張商英入相辯前獄綽復朝奉郎通判秀州項之改祕書省校書郎遷倉部員外郎出提點兩浙刑獄以龍圖閣直學士知越州譚稹宣撫燕山請綽爲參謀上書告老復龍圖閣直學士致仕卒

章綽

按宋史章彥傳彥子綽知丹徒縣蔡京傾章氏竄綽睦州

章綽

按宋史章彥傳彥子綽簽判西安州綽居蘇州或得私鑄錢數巨畧蔡京諷言者誣綽與州人郁寶所鑄縱刺面配沙門島張商英爲相辯前獄移綽常州項之改授內殿崇班

章綽

按宋史章彥傳彥子綽簽判蘇州蔡京傾章氏竄綽永州

章彥

按宋史章彥傳彥孫茂承奉郎蔡京傾章氏竄茂處州

章蓋

按宋史章彥傳彥孫蓋監蘇州稅蔡京傾章氏竄蓋均州

章諒

按宋史章諒傳諒字宜叟建州浦城人登崇寧四年進士第補懷州司法參軍歷漳台二州教授杭州通判建炎初擢倉部員外郎奉使二浙貿易祠牒以濟軍用以稽遲罷未幾召爲駕部員外郎遷殿中侍御史紹興二年除大理卿尋權吏部侍郎改刑部侍郎遷徽猷閣直學士樞密都承旨四年金遣李永壽王翊來求劉豫之俘及西北人在東南者又欲畫江以益劉豫時議難之欲遣大臣爲報使參政席益以母老辭薦諒爲代加諒龍圖閣學士充軍前奉表通問使諒至雲中與粘罕兀室論事不少屈還擢刑部尚書是冬帝親征王師大捷於淮陰扈從還臨安遷戶部尚書五年以疾請郡除龍圖閣學士知溫州六年移守平江七年爲端明殿學士江南東路安撫大使知建康府未幾提舉亳州明道宮代還八年卒諡忠恪諒寬厚長者言事存大體立朝奏疏無慮數千百篇皆經國濟時之策于八人駟駒駟驥駟馳駟駟

章夏

按萬姓統譜夏寧國人性至孝工爲古詩入太學預開封府薦第一登大觀進士歷官潭州通判所至有惠愛然不事表襮以故鮮有知者

章振

按崇安縣志元振字時舉黃村里人政和中登第授寧鄉令改休寧縣丁睦寇竊發元振撫綏捍禦縣賴以全改泰寧縣後知潮州悉革蠹弊遷朝議大夫廣東提舉

章夏

按萬姓統譜夏寧國人性至孝工爲古詩入太學預開封府薦第一登大觀進士歷官潭州通判所至有惠愛然不事表襮以故鮮有知者

章振

按崇安縣志元振字時舉黃村里人政和中登第授寧鄉令改休寧縣丁睦寇竊發元振撫綏捍禦縣賴以全改泰寧縣後知潮州悉革蠹弊遷朝議大夫廣東提舉

章夏

按萬姓統譜夏寧國人性至孝工爲古詩入太學預開封府薦第一登大觀進士歷官潭州通判所至有惠愛然不事表襮以故鮮有知者

章夏

進士除丹陽令歷知太平婺州所至以廉謹惠愛稱家無留資踰年奉祠卒

章憲

按吳縣志憲字叔度甫子樂道修行以餘力學文鄉人稱爲君子宣和中謫監漢陽軍酒稅歿於兵有復軒集

章貢

按萬姓統譜貢宣和六年進士高宗中與初授主簿歷陞節度判官至奉議郎卒

章遵

按尚友錄遵爲揚州刺史行部聞道旁女子哭聲不甚哀問之云夫遭燒死遵敕令吏與尸到令人守尸日當有物自往吏白有蠅聚尸頭所遵令披視得鐵錐貫腦考問以淫殺夫

章崇

按萬姓統譜元崇字德昂欽環溪人父愈元崇博通諸經尤長於春秋兩冠鄉書捷南省特授於潛簿築堂讀書於杏城溪人號環溪先生有著述數卷名蟹螯集終奉議郎有周易釋疑尚書演義學詩管見春秋大旨四書管見兩漢筆記蜀阜集冠婚記百行冠冕集學者稱融堂先生

章容

按萬姓統譜容丹徒人事母盡孝母亡思慕切至墓上枯竹復生子孫相繼以經學顯用人謂孝行之報

章雲就

按萬姓統譜雲就麗水人建炎中賊將逼處州守臣梁頤吉募能說賊者雲就應募往諭之賊既降官

軍掩至賊以爲誘之遂遇害

章燾

按萬姓統譜燾字彥博宣城人以父廕補官歷知蘄州寬平不擾擢提點湖南刑獄前州將兵劫守臣爲亂燾誅其首餘惡皆罷遣後拜刑部侍郎時論推其平反孝宗亦嘉其不文致也以疾乞祠加集英殿修撰

章才邵

按萬姓統譜才邵字希古篤學能文世稱爲篤實君子喜吟詩嘗與朱晦翁游

章穎

按宋史章穎傳穎字茂獻臨江軍人以兼經中鄉薦孝宗嗣服下詔求言穎爲萬言書附驛以聞禮部奏名第一調道州教授會章寇爲亂郡僚相繼引去穎獨留寇平郡守以功入爲郎奏穎有協贊之功可大用乃召對除太學錄遷太學博士丁內艱服闋添差通判贛州除太常博士除左司諫章宗即位除侍御史尋權兵部侍郎韓侂胄用事穎侍經幃上曰諫官有言及趙汝愚者卿等謂何同列說無可否穎奏言天地變遷人情危疑加以敵人熾侮國勢未安未可容易進退大臣願降詔宣諭汝愚無聽其去不報奏請待罪與郡御史劾穎阿黨罷自是黨論遂起矣穎家居久之起知衢州侍御史林行可劾罷之尋知贛州御史王益祥復劾遷其命再祠需次知建寧府侂胄誅除集英殿修撰累遷刑部吏部侍郎尋遷禮部尚書升侍讀丐去奉祠以嘉定十一年卒穎操履端直生平風節不爲窮達所移諡文肅

章翊

按尚友錄翊昌化人得象之後也官至迪功郎主徽州婺源簿

章如愚

按尚友錄如愚字俊卿金華人舉慶元進士仕至朝奉郎國子博士好學多聞所著有山堂考索

章樵

按尚友錄翊子樵登開禧初進士第主信州玉山簿

章樵

按尚友錄翊次子樵號响麓嘉定改元登進士第歷海州高郵山陽教官尋知連海軍一再上時相書力陳李全必叛劉璋不可任重後全果亂郡官多被其禍獨樵率諸生盛服坐堂上誦誦賊至斂刃而退後宰吳縣通判常州皆以廉公著稱侍御史洪杏蓀舉其有守召監登聞鼓院尋以疾丐歸授朝散郎知處州事卒樵學宗伊洛議論通暢識達時務所著書有集會子十八篇章氏家訓七卷補注漢膠西相春秋繁露十八卷注補文苑二十卷行於世

章節夫

按萬姓統譜節夫字仲綸臨川人少穎悟從象山先生默契繩尺象山語之曰便登春梁要做到了節夫佩服師訓博通諸經深造自得嘗集象山晦翁辭異旨同處集而疏之名曰修和管見晚年所守益固從學者衆卒年七十九自號從軒著書數萬言子子先登嘉定九年第仕止吉水令

章鑑

按萬姓統譜鑑字君寶樵之從姪也登嘉定癸未進

士除温州永嘉主簿通判吉州歷將作少監轉太常丞出知衢州復召入資善堂爲講官遷國子司業兼修國史侍讀進太府卿端平更化鑑首上封事復召爲講官兼掌內外制時相傳致鑑極論其害國且乞罷職嘗上疏有云進人不可太銳聽言不可不察又言流民失業有司不以告下情未易通也除兵部侍郎兼給事中告老不許爲華文閣待制許錢塘縣開國伯鑑天資穎悟爲文立就爲人忠直淳厚事有功於時者必爲上精言之時相疾其正論每怵以禍福鑑不爲動深爲理宗所知所著友山文集十卷奏議十卷內外制資善講讀若干卷四時禮興衆芳集各一卷

章汝鈞

按萬姓統譜汝鈞廣德人淳祐進士授國子監書課官召居館職首以厚人倫扶國綱爲對以祕書正字家居里人多以差役廢家汝鈞與郡人梅應發力舉義役行之鄰郡取訓焉後除祕書郎有文集

章孝參

按古田縣志孝參字魯士淳祐中以舍選登第授德慶府學教授文行爲時所重好獎勵後學不喜浮躁洪天錫嘗稱爲大雅君子

章鑑

按宋史章鑑傳鑑字公秉分寧人以別院省試及第累官中書舍人侍左郎官崇政殿說書進簽書樞密院事遷同知樞密院事咸淳十年拜右丞相明年大元兵逼臨安鑑託故徑去遣使亟召還朝既至罷相予祠殿帥韓震之死鑑與曾淵子明震無他至是御

章鑑

按宋史章鑑傳鑑字公秉分寧人以別院省試及第累官中書舍人侍左郎官崇政殿說書進簽書樞密院事遷同知樞密院事咸淳十年拜右丞相明年大元兵逼臨安鑑託故徑去遣使亟召還朝既至罷相予祠殿帥韓震之死鑑與曾淵子明震無他至是御

史王應麟繳其錄黃謂宸有逆謀鑑與淵子曲庇之坐是削一官放歸田里鑑在朝日號寬厚然與人多許可士大夫目爲滿朝歡云

章康

按萬姓統譜康字季思吳人安貧樂道居城西田屋巖結閉戶不染世俗出入徒步人尊稱之曰聘君

章如旦

按萬姓統譜如旦字希周咸淳進士官至撫州僉判元兵圍襄陽得江萬里書言呂文煥降泣不食者三日與安仁陳陽往信州見提刑謝枋得會枋得與張練師議勤王大喜至弋陽枋得入神廟卜如旦曰今國家大勢如此又何疑哉爲臣子者盡忠孝而已枋得顧陽曰壯哉章希周及元兵圍饒州枋得屯兵安仁如旦率黃萬全曾和兵迎之枋得至餘干後退安仁以如旦挾張孝忠待敵旣而饒州降餘干亦降元兵攻安仁至團湖孝忠戰死如旦萬全敗走尋死

章鑄

按尚友錄鑄字子壽吳興人仕爲修職郎謹直敢言宋亡歸隱於家元世祖召之不就自以世食宋祿未嘗北向宋人之仕於元者鑄皆絕之不與往來世高其節

欽定古今圖書集成明倫彙編氏族典

第二百九十六卷目錄

章姓部列傳二

元

章卿孫

章仕堯

章嘉

章迪

章文

章齊

明

章盜

章存道

章庠

章復

章廷琰

章順舉

章衡民

章彬

章敵

章朴

章以善

章信宗

章良民

章潤

章文

章暎

章珪

章瑄

章瑾

章繪

章綸

章亮

章規

章儀

章表

章格

章律

章懋

章銳

章益

章朝元

章九賢

章時鸞

章元應

章拯

章僑

章煥然

章衰

章忱

章士元

章煥

章惟一

章世仁

章光岳

章正岳

章世純

章文炳

章晉錫

章正宸

章曠

章可試

章明龍

章諱

章尚綱

章簡

章士麟

章贊元

章姓部藝文

龍泉章氏世系碑文

明朱濂

章氏家乘序

前人

章姓部紀事

氏族典第二百九十六卷

章姓部列傳二

元

章卿孫

按元史羊仁傳章卿孫蜀人本劉氏幼爲章提刑養

子與母富氏相失三十八年遍訪於江西諸郡迎歸

養之

章仕堯

按萬姓統譜仕堯平陽人元時科舉方尊程朱之學

仕堯精研覃思發明四書旨意嘗曰時之治亂由人

心之邪正人心之邪正由學術之醇疵識者以爲名

言

章嘉

按萬姓統譜嘉號春谷平陽人爲永嘉縣學教諭大

德元年七月郡風潮海溢浙東食憲完顏貞浙閩都

司鮮子樞按視賑恤嘉作風潮賦上之憲司與帥闡

交薦于朝授翰林國史院編修官至大庚戌修溫州

路志延祐己未自翰林還里重修東甌志

章迪

按江西通志迪字允德臨川人能文章有才略吳富

奉詔捕江西盜辟迪爲行省檢校時劇寇胡志學據

撫州迪率兵討之志學戰敗伏誅一郡遂定火你赤

忌其功召還省殺之

章文

按江陰縣志文宋宣教郎建之後元季避寇死雷溝

亂兵中

章齊

按江陰縣志齊字敬叔袁州知府庠之父娶陸文圭

女孫學成不仕元父文死雷溝亂兵中齊求父屍不

得哀慟絕粒七日書藁我首章適子庠擲筆而逝

明

章溢

按明外史章溢傳溢字三益龍泉人天性孝友父歿

未葬火焚其廬搏顙額天火至樞所而滅斬黃寇犯

龍泉執溢縛之柱刃其脅欲降之溢不爲屈至夜紿

守者脫歸集里民爲兵不旬日擊破賊論功累授浙

東都元帥辭不受退隱匡山明兵克處州避入閩太祖以幣聘之乃至授僉管田司事巡行江東兩淮田畝分籍定稅民甚便之以病久在告太祖知其念母也厚賜遣歸省浙東設提刑按察司命溢爲僉事荆楚平遷湖廣按察僉事處州動搖命溢爲浙東按察副使往鎮之溢辭副使仍爲僉事洪武元年拜御史中丞時廷臣伺帝意多苛溢獨務大體遭母喪溢悲感過度營葬親負土石感疾卒福王時諡莊敏子存道存誠存厚

章存道

按明外史章溢傳存道溢長子也溢隱匡山以所集義兵屬存道存道撫其衆遂成練卒後率所部歸總督孫炎炎令守上游陳友定兵來侵屢擊却之以功授處州翼元帥副使成浦城總制胡深戰歿命代領其衆爲遊擊命從馮宗異北伐以功授處州衛指揮副使洪武三年轉左衛指揮同知從湯和北伐遇敵於斷頭山力戰死之

章庠

按江陰縣志庠字景序宋宣教郎建之後元季隱故山明祖爲吳王時微行訪之與之語知其業儒詔別其家爲儒籍登極後徵袁州知府以飢僅停徵便宜發倉賑濟獲罪卒於官

章復

按萬姓統譜復鄱陽人初仕元爲行省郎中洪武初以儒業應召授金華府同知勸民耕稼歲獲豐稔後以功陞知保寧府致仕

章廷琰

按萬姓統譜廷琰字晉臣又名中夫隴泉人洪武間舉明經授行人奉使山東科斷藩憲重臣之不律者繼以內使踵驗而同事者多以貪敗廷琰獨守法免子士淳進士任同知

章順舉

按萬姓統譜順舉字元凱甘羅鄉人隱居陽臺村容貌魁偉博學多聞與鄉人言議論英發洪武十八年有司以人材薦詔許入朝上奇之曰授爾方面何如對曰臣總有大綱轄得有司上悅授以河南右布政使尋陞廣西左布政使所至興利除害士民樂其惠政焉

章衡民

按萬姓統譜衡民諱澄以字行七歲失怙家業漸替稍長竭力奉母雖窮約務得其歡臥病躬侍湯藥及歿敬慕嫂如母而撫三孤姪如己子遊庠校勵學領洪武庚午鄉薦二親及嫂繼歿久弗克葬晝夜悲號鄰黨感其孝誠皆賻以襄事會試中第二賜衣二襲擢教授於建昌卒年三十九

章彬

按江西通志彬字自新南昌人仲兄自助洪武間遭嚴實民田自助受事以直賈怨里豪朱同文嗾其黨訟之朝兄弟四人盡論死高侍郎鐸憐之議罪坐其長彬力請以身代高服其義遂具獄上未幾朱同文以罪繫詔獄死彬竟減戍遼東赦還諸兄歡聚無恙又二十五年卒

章敞

按明外史章敞傳敞字尚文會稽人永樂二年進士

由庶吉士授刑部主事遷郎中改吏部考功司調驗封宣德五年擢禮部右侍郎奉詔往安南命黎利權國事還致厚贖不受黎利死子麟嗣敞復奉詔往却贖如初正統初轉左久之卒官子瑾由進士累官亦至禮部侍郎

章村

按浙江通志村寧海人幼喪父事母至孝永樂癸未領鄉薦甲申三月上臨軒親試居二甲授庶吉士方孝孺死難村以收藏方集爲寧郡序班楊善所構上怒逮村時弟宗簡擊登聞鼓願以身代併逮之村言孝孺効忠蒙戮其文章大抵明先王之道未宜深罪法司以聞上益怒命戮于市村顏色無異祀鄉賢配享方祠

章以善

按萬姓統譜以善字尚明會稽人永樂甲申進士歷知府

章信宗

按萬姓統譜信宗字允承會稽人永樂辛丑進士任御史

章良民

按萬姓統譜良民字士良七歲喪父九歲喪母連年悲啼人不堪其悲哀賴伯氏山民以長以教入邑庠窮經力學然自二親棄背遺家多艱歲復不登莫克襄事悲慟如相括時極力殫貲始克合葬永樂間膺貢太學擢行在刑科給事中風夜精勤小心慎密出納數奏必賜俞允糾違駁失威服至公

章潤

按古田縣志潤字時甫號白溪遇事剛果有古人風
求樂中登進士授刑部主事遷郎中斷獄無有稱冤
者時號爲章鐵板歷官十載宦囊蕭然

章文

按萬姓統譜文浙江仁和人宣德元年由舉人任同
安縣學訓導爲人持重不苟其教以身先之課文欲
其典則不尚浮靡後累官南京禮部尚書兼太常寺
卿

章映

按潛江縣志映宣德二年進士授行人遷戶部員外
郎廉靜剛介之節見重于時

章珪

按萬姓統譜珪字孟端常熟人篤學有志奉母克孝
宣德初應求賢詔授廣東按察使知事薦擢監察御
史秉心直諒果敢有爲出巡畿甸值歲荒早奏蠲逋
稅六十餘萬解全活甚衆辨疑獄釋如冤前後七十
人頌聲載道正統八年因廷論大臣不職罷歸杜門
教子儀舉鄉試官國子助教表解元登進士任參議
格律亦皆登進士格任大理卿律任左副都御史制
詞有勇退丘園名聞朝野之褒人擬其如燕山寶氏
云

章瑄

按萬姓統譜瑄字用輝登進士授職方主事出守山
海關時中貴魏榮領神槍縱所部京校假冒試習侵
關事後府舍人王延倚藉官掖得管押戍卒往往迫
淫其婦攫其囊且盡瑄並奏悉寘諸法御馬指揮都
監脫人亦有寵于英廟命使朝鮮而無關符瑄持之

不奉詔脫馳奏上震怒繫瑄關下言官直之乃釋尋
遷車駕郎中進行太僕寺少卿得請罷歸

章瑾

按萬姓統譜瑾字用欽會稽人正統丙辰進士歷刑
部侍郎

章繪

按萬姓統譜繪字尚素鄞縣人正統己未進士歷布
政使

章綸

按明外史章綸傳綸字大經樂清人正統四年進士
授南京禮部主事景泰初召爲儀制郎中五年陳修
德弭災十四事疏入帝大怒立執綸繫詔獄榜掠慘
酷會大風揚沙晝晦獄得稍緩令綸之明年就獄中
杖百繫如故英宗復位郭登言之乃釋擢禮部右侍
郎綸既以大節爲帝所重而性亢直不能諧俗石亨
楊善共短綸乃調南京禮部就改吏部成化五年轉
南京禮部左侍郎綸性懃好直言不爲當事者所喜
爲侍郎二十年終不得遷請老去久之卒諡恭毅

章亮

按萬姓統譜亮字文煥會稽人景泰辛未進士歷知
府

章規

按萬姓統譜規字守規鄞縣人景泰辛未進士歷苑
馬寺卿

章儀

按萬姓統譜儀字來鳳御史珪之長子與弟格同科
有司爲立聚奎聯璧二坊由教諭陞兩京國子助教

典京闈山西河南文衡致仕家居杜門不出年八十
而卒爲人厚重鄉人敬之

章表

按萬姓統譜表珪子選翰林院庶吉士轉行人陞刑
部郎中廣西參議爲人志銳氣剛崖岸壁立

章格

按萬姓統譜格字韶鳳珪子也格爲郎官時凡以訟
自言者推至誠待之人無敢匿其情遷按察嶺南行
海徵有流球使人貿易他國風于境上有司執焉欲
以爲數上其功格不可疏言琉球素服從不能恤其
患而顧助天爲虐乎卒資遣之再領雲南符緬夷反
覆綏之誠信遂皆歸心已而入爲南京光祿又移大
理無何乞歸格涉數中外更五十年再至九卿其功
名過於儀而長者似之

章律

按萬姓統譜律字鳴鳳常熟人登進士第任刑部主
事守法不阿明敏果決部長羨其能陞知保定府路
當衝要處之裕如豪強斂跡民賴以安陞雲南參政
廣西右布政使率兵禦苗寇有功賜食二品祿轉貴
州左布政使未幾進擢都御史巡撫雲南貴州尋召還
掌南京都察院事風聲凜凜遠近肅然後以嘗被其
辱者誣之事白辭歸卒

章懋

按明外史章懋傳懋字德懋蘭谿人成化二年會試
第一成進士改庶吉士明年冬授編修憲宗將以元
夕張燈命詞臣撰詩詞進懋懇疏諫杖之闕下左遷
臨武知縣未行以給事中毛弘論救改南京大理左

評事踰三年遷福建僉事考滿入都力求致仕既歸屏跡不入城府奉親之暇專以讀書講學爲事四方學士大夫高其風稱爲楓山先生弘治中孝宗登用羣賢衆議兩京國學當用名儒及南監缺祭酒遂以懋補之懋方遭父憂不就而虛位以待懋十六年服闋始進任六館士懋然向風武宗立引年乞休不俟命而歸正德五年起南京太常卿明年召爲禮部右侍郎皆力辭不就世宗嗣位卽家進南京禮部尚書致仕而懋已卒諡文懿懋生三子兼令業農少子接後廕爲國子生

章銳

按萬姓統譜銳字元進鄞縣人成化壬辰進士歷參政

章鎰

按浙江通志鎰字元益鄞人成化間進士翰林庶吉士改兵科給事時妖僧繼曉得幸鎰極言其邪教乞正典刑繼曉遂失寵陞都給事後威寧伯王越鎮邊殺麾下首級以邀賞鎰摘發其奸卒爲所構掛冠歸

章朝元

按辰州府志朝元辰溪人成化時其母爲夫餽餉行至觀音山風雨驟至入岩穴避之須臾昏暗咫尺莫辨如有人道之感由是有娠朝元幼聰慧弱冠因耕地獲一鐵劍上有朝元二字自後天神附體百里外凡有所禱挾劍以飛言人休咎無不立應

章允賢

按池州府志允賢青陽人以進士授貴溪知縣再補成安歷禮刑二科給事中嘗上疏論武定侯郭勳都

御史胡守中悉竄重典名震京師所著諫議集行世

章時鸞

按池州府志時鸞青陽舉人初任鄞縣知縣擢衢州府同知會舉賢能卓異陞保定知府河南按察司副使致仕所著有名賢言行錄

章元應

按明外史章綸傳綸卒官其次子鴻臚典簿元應後舉進士爲南京給事中偕同官極論陳鉞罪忤旨停俸孝宗嗣位上治本五事官終廣東布政使

章拯

按明外史章懋傳懋從子拯字以道幼從懋學登進士爲刑部主事忤劉瑾下詔獄謫梧州通判瑾誅擢南京兵部郎中嘉靖中累官工部尚書南北郊議起拯言不可失帝意尋坐郊壇祭器缺供落職歸久之復官致仕卒

章僑

按明外史章僑傳僑字處仁蘭谿人正德十二年進士授行人嘉靖元年擢禮科給事中歷左給事中出知衡州府終福建布政使

章煥然

按黃陂縣志煥然字素夫幼穎異稍長以竹條擊空有聲不解聲從條出從空出窮之至廢寢食請業於黃守拙先生得探微育生平以良知爲宗以知行合一爲學

章衰

按江西通志衰字汝明臨川人嘉靖癸未進士選授御史督學南畿循介端嚴請囑不行稍遷陝西副使

督學政乞休所著有章子瑣言學庸口義

章忱

按萬姓統譜忱字景恂會稽人嘉靖戊戌進士歷知府

章煥

按萬姓統譜煥字叔晦會稽人嘉靖辛丑進士歷僉事

章士元

按萬姓統譜士元字伯允吳縣人嘉靖甲辰進士歷布政使

章世仁

按萬姓統譜世仁字元卿青陽人嘉靖丁未進士歷參議

章惟一

按永州府志惟一守中萬曆甲午舉人授廣西還江令治行第一陞同知曲靖府署篆釐奸剔蠹未幾月而政行吏憚其威民歌其惠稱神君焉

章正岳 章光岳

按江西通志正岳字孟山臨川人萬曆甲辰進士爲杞縣令治河救荒聲望大起以卓異徵爲吏部郎弟光岳字仲山癸丑進士由中書改吏部出爲山東參政歷太常通政至刑部左侍郎

章文炳

按明外史張振德傳天啓元年奢崇明部將樊龍殺巡撫徐可求重慶知府章文炳抗節死文炳長素人萬曆四十一年進士除戶部主事歷郎中遷知府治行廉潔吏民愛之賊既殺可求及副使略日升李繼

周等文炳罵賊遂被殺

章世純

按明外史艾南英傳章世純字大力臨川人博聞強記舉天啓元年鄉試崇禎中累官柳州知府聞京師變悲憤遘疾卒

章正宸

按明外史章正宸傳正宸字羽侯會稽人有學行舉崇禎四年進士由庶吉士改禮科給事中禮部侍郎王應熊者溫體仁私人也廷推閣臣望輕不得與帝特命入閣輔政正宸上言應熊見擢廷推何緣特簡因力詆其狼藉封靡請廢前命帝大怒下獄拷訊削籍歸九年冬有詔起廢召爲戶科給事中十四年屢遷吏科都給事中周延儒再相中外仰望丰采而門多雜賓正宸其門生也獨不肯附會推閣臣失帝意謫戍均州福王立召復故官馬士英輩忌正宸居言路遂用爲大理丞已見國事日非請假歸魯王監國起吏部左侍郎不受仍署舊官事敗棄家爲僧不知所之

章晉錫

按武進縣志晉錫字用康崇禎癸酉舉人庚辰特授戶部主事出守延平有王銳頭者自號非非子能驅草豆作人馬聚衆萬餘伺隙爲亂晉錫設方略擒滅之尋陞本省參政年四十六卒

章可試

按浙江通志可試字星華遂安人戊午登賢書崇禎中授舒城縣甲戌張獻忠陷霍集諸邑攻舒城可試塞三門開西門以誘之賊入陷于溝伏兵出長矛刺

之殺千人賊奔潰戊寅復來攻與巡撫史可法協謀伏砲創之前後被圍者十有四卒賴以全尋丁外艱以養母辭歸

章曠

按明外史何騰蛟傳章曠字子野松江華亭人崇禎十年進士授沔陽知州十六年賊將郝搖旗陷其城同知馬應死之曠走免謁總督袁繼咸于九江署爲監紀巡撫何騰蛟檄曠署荆西道事給事中熊汝霖御史游有倫劾曠沔陽失城罪候訊黃州用騰蛟薦令戴罪立功福王立南京左良玉將犯關騰蛟至長沙以曠爲監軍南京破大兵逼湖南諸將皆畏曠獨悉力禦戰唐王擢爲右僉都御史提督軍務曠有智略行軍不避鋒鏑湖南恃以無恐永明王加兵部右侍郎長沙守將王進才與復兵將覃遇春闔大掠而去曠走寶慶長沙遂失曠移駐永州見諸大將擁兵聞警輒走抑鬱而卒

章諱

按寧海州志諱太湖舉人廉明平易修舊起廢時流賊猖獗修城浚池嚴武備以待之寇薄城下焚東門勢危甚指揮王濂欲棄城走諱按劍遏之衆心始定奮力擊賊城賴以全

章明寵

按安慶府志明寵太湖諸生城陷不屈死

章簡

按明外史沈猶龍傳猶龍華亭人南京失守列城望風下猶龍乃偕里人章簡等募壯士守城城被圍簡守南門城破被殺簡字坤能舉於鄉官羅源知縣

章尚綱

按浙江通志尚綱字闇然會稽人以國學生歷官秦藩左長史崇禎癸未闖賊李自成陷城尚綱自縊於秦藩端禮門贈按察司副使

章贊元

按浙江通志贊元字素完會稽人四川江油縣典史縣治無城崇禎十六年流寇入境縣尹避入山贊元以公服坐縣廨賊至脅以降終不屈遂奔浮橋躍水而死

章士麟

按浙江通志士麟字補盛少篤孝義慕陽明先生學凡言動取與無不準諸道義廬墓三年時切哀號喪偶誓不復娶後以義夫見旌人稱靈泉先生

章姓部藝文

龍泉章氏世系碑文

明宋濂

章氏本出姜姓世居於汴至宋兵部尚書嚴永嘉初來守泉州始家於南安唐康州刺史及又自南安遷建之浦城及生福州軍事判官修修生仔鈞深沉有大度年踰四十尚晦跡弗仕當唐之季藩鎮爭強各欲致賢才以自輔有遣使來召者力辭不起乾寧四年福建觀察使王潮卒其弟審知代立即奉表修貢效臣子之職朝廷嘉之以福州爲威武軍拜審知節

度使累遷同中書門下平章事封鄆郡王存鈞以審知尚有唐乃往謁之投以戰攻守三策審知大喜執存鈞手曰何相見之晚邪遂表聞於朝辟授存鈞高州刺史檢校太傅西北面行營招討制置使選步騎卒五千命屯成浦城西巖山南唐盧將軍假道過山下忽鼓譟來攻壘存鈞堅守弗與戰遣二校邊鎬王建封求援兵建安存鈞既退盧兵二校失期尚不至當處以軍法其妻越國夫人練氏諫曰世道方艱若二校者安知其不建功以靖亂邪存鈞曰如廢法何練氏曰法固不當廢不若縱之使自逸耳存鈞仁其言而許之練氏使諸子喻二校曰宜急去毋受戮于市復以金條脫遣其行二校望拜感泣仰天誓曰夫人之恩苟不報有如此日遂去奔南唐晉天福末審知子大閩皇職與弟富沙王延政治兵相攻互有勝負延政遂稱帝于建州國號殷閩中大亂南唐聞其僭遣樞密院使查文徽及待詔臧循發兵取之時二校已貴顯為行營招討封為先鋒橋道使共攻建州城陷議屠之時存鈞已死練氏之子有官建安幕府者練氏因家城中二校入城銜練氏舊恩獨以兵衛其門練氏曰汝今見報獨活我家耳豈足為義邪閩城之人不下十萬未必皆有罪汝能全之乃為報吾恩不然妾不能獨生也二校聽之一城生聚悉賴以完存鈞生一十八子皆登顯仕其第三子銀青光祿大夫檢校司徒仁燧仕于南唐賜名曰獻誠慷慨有大節不屑細故思繼先緒若執玉奉盈唯恐墜仁燧生秘書省校書郎文錫當宋之初屯練氏軍捍禦鄉郡盜不敢侵境時四方未寧名門右族各風雨散去

不相繫屬文錫一門二千餘指獨能聚居人稱為東南第一文錫生都官郎中重性高簡超然不羣時伯仲列仕中外以百十數朱紫烜赫重獨棄官歸隱一旦獵於龍泉西寧鄉見山川明秀樂之復遷居焉重生告介潔不欲仕如其父告生順奉親極其孝諸弟從官各一方順獨戀戀居膝下跬步弗離親沒葬祭能中節順生公探與從弟知穎州衡九厚善衡每招公探仕不應衡或強之輒曰使一家之道盡即為政爾何必御朝署閣詞謀乃名為政乎遇二弟友甚聲孚氣合如奏垣莞晚立祠以奉存鈞神主帥宗人歲時薦饗士論多之公探生世安其友恭如其父建標慶庵于公探家側中設存鈞位而以公探配之世安生舉當文明極盛之世鼓琴誦詩優游自樂人或讓其獨善舉曰羣賢在朝海晏而河清矣奚必舉之出哉或仕或止各安夫天分爾舉生宗氣貌容偉能以寬柔之德被於人人宗生鄉貢進士輔履仁蹈義作事可為師法輔生聞義聞義生用之父子益雄於實聞義所構室廬亭館甲於一州時具壺觴集大夫士其中共談古今治亂用之尤善述事動靜循矩護不譽于度用之生強宗學該而文瞻好購書籍凡四庫之目多蒐采貯藏子孫得以資其學業強宗生煥文愛施與寒畯之時憂閭伍艱食升樓遐望有晨烟不起者常召與粟與物交無忤意從弟某負氣每媒怨于人煥文晝寢其池亭怨家意從弟也持斧入欲斫之忽池魚躍水激煥文面急驚起怨家流涕謝曰幾誤害善人從弟之難因藉之以解踰數年煥文復遷錦州依婦翁以居煥文生斯立通象緯堪輿家書及

素問靈樞之學日以利濟為務醇熙和比絕無怨惡於人其言呐然若不出諸口而德容充浹見者雖然親之斯立生格局度凝廓壹以儒術自娛自入國朝益斥屏聲利高蹈物表白髮蒼顏衣冠偉如亦多作善藥以濟疾病疴傷者誓不求償父老踰八十不良於行雖僕賤之多格朝夕扶持左右未嘗遠去父既歿奉其愛姬如母近屬有利格多金者數至豪奪格咸弗與競居何又倚中官勢鉗却之格曰君何必爾欲金當持去又弗與較乃大慚服不敢復有所侵格生遇孫燕居危坐肩背不傾側雖不務榮進與人解患之志耿耿自信有赴愬者懇惻為陳利害理即曲頓首免冠請自新早滌疾疫必身禱禱輒應鄉人士服其言行稱之曰長者其嗜文學孝弟事如啗厚味弗之厭每舉以厲人遇孫生珪璋瑤珪璋皆有隱行溢多雄才丁搶攘之時集兵以退羣寇縣賴以安尤尚伊洛之學病間井子弟不知所教建龍淵義塾聘碩師陳其說以開來裔尊標慶菴捐田入之定為祭規一十五則以示宗族家雖異爨久忽慨然曰兄弟手足爾其何分乎遂合食焉立義約若干條教子孫守之弗易其制行粹凝臨事剛毅有不讓古之賢者嗚呼何章氏之多賢子孫哉謙竊觀之世家巨室能使遺裔蟬聯而弗之絕者皆其先德之所敷遺譬如良疇之種至秋而必穫嘉木之植逢春而必榮其理實可徵不誣也昔者王翁孺為繡衣御史能活萬人論者識其後昆之當與鄧仲華自謂將百萬之眾未嘗妄殺一人君子知其來葉之必大兄乎練氏能全一城之命較茲二者實過之矣宜乎子孫代有名

人其出而列仕則秉鈞軸備法從綰郡縣之章項背相望功惠既已有加於民其處而沉晦則破服仁義篤志詩書雅雅彬彬舉望隆蔚又能不殞厥世矧今逐續芳猷踵承遺烈者吾未見其止也君子之澤古之所謂汪洋而衍裕者寧有既邪濂久與溢交而其子存厚又從濂學治經於是知其系緒爲詳序而勒之石以爲世之勸讀茲文者尚當有所興起也哉

章氏家乘序

前人

章氏本姜姓出於神農氏之裔逮齊太公支孫受封於鄆即春秋所書齊人降鄆是也今密州有古鄆城實其古地鄆紀之附庸國也紀亦姓姜地皆與齊接其爲姜姓無疑或謂出於夏之諸姒者乃誤以辛作章而謂不去邑而別爲鄆仇氏者亦不知漢章弇因避仇而始加之也鄆自爲齊所滅子孫遂去邑稱章氏分適他國有諱展者仕晉爲中散大夫世居汴之陽武至兵部尚書品未嘉初出守于泉始家於南安唐康州刺史鵬又自南安遷建之浦城康州之五世孫重復自浦城遷處之龍泉蓋重之曾祖存鈞當唐之季琅瑯王王審知節度福州存鈞授以三策大喜遂承制授高州刺史檢校太傅其妻渤海郡君練氏賢而多識有恩及南唐將領王建封遂全建州一城之命生一十五子六十八孫支系數蕃布於東西或入坐廟朝或出膺郡寄或宰百里之邑或秉節鉞分鎮邊陲後先顯者殆以百餘計蔚爲江南望宗然而世遠族殷復羅兵燹漸至於不可考重之十六世孫溢深爲是懼於是稽厥系緒法諸史表旁行爲圖條列不紊作譜圖篇第一先世遺行可仰可師撫其都

凡區別以陳作景行篇第二竹素所載琬琰所刻文章昭爛不愆其實作傳志篇第三事涉攷實難可類分小大弗爽集以示後作叢載篇第四四篇之作復不厭詳著本房圖以爲別錄通名之曰章氏家乘云濂竊聞之隋唐而上選舉必藉於簿狀婚姻必由於譜系是以圖譜有局郎令史有員知撰譜事有官四方以家狀來上者官爲考定藏於祕閣副在左戶其制最詳且明也五季以來法始大壞而近代爲尤甚官不必有簿而品第混淆家不必有譜而姓氏無別有不得不憮然而增慨者溢於其間乃能孜孜弗懈而成書以傳其賢於人也遠矣濂與溢游者久雖不能文謹爲稽章氏所自及夫述作之意序諸篇端他日圖譜之局或設博雅君子亦當於此而有攷焉溢字三益尊尚伊洛之學持已率物粹然一出於正云

章姓部紀事

明外史艾南英傳萬曆末場屋文腐爛南英深疾之與同郡章世純羅萬藻陳際泰以興起斯文爲任乃刻四人所作行之世世人翕然歸之稱爲章羅陳艾